



Bosnia and Herzegovina  
Federation of Bosnia and Herzegovina

**CANTON SARAJEVO**  
**Anti-Corruption and Quality Control Office**

**Broj:** 20-04-391-1216/20  
Sarajevo, 26.11.2020. godine

**SKUPŠTINA KANTONA SARAJEVO**  
**KABINET PREDSEDavajućEG I ZAMJENIKA PREDSEDavajućEG**  
**SKUPŠTINE KANTONA SARAJEVO**  
*n/r Predsjedavajućeg Skupštine*

**PREDMET:** Zastupničko pitanje zastupnice Danijele Kristić, Informacija, dostavlja se.-

**VEZA:** Vaš akt broj: 01-04-27823-211/20 od 14.09.2020. godine

Na Radnoj sjednici Skupštine Kantona Sarajevo održanoj dana 10.09.2020. godine, zastupnica u Skupštini Kantona Sarajevo Danijela Kristić postavila je zastupničko pitanje koje glasi: „U medijima se pojavila informacija o navodnom stranačkom zapošljavanju u Ministarstvu finansija Kantona Sarajevo od strane ministra Jasmina Halebića. Navodno su zaposleni Sanel Gazija, Amina Močević i Elvedina Ademović. Molim da provjerite sva zapošljavanja u Ministarstvu finansija Kantona Sarajevo od mjeseca marta 2020. godine do danas. Molim da me izvjestite o utvrđenim činjenicama u ovom slučaju, kao i poduzetim koracima od strane Ureda“.

S tim u vezi, informišemo Vas da je Ured za borbu protiv korupcije i upravljanje kvalitetom Kantona Sarajevo preduzeo sljedeće radnje:

- Dana 17.09.2020. godine upućen je zahtjev Federalnom zavodu za mirovinsko i invalidsko osiguranje – Kantonalna administrativna služba za sarajevski kanton u kojem smo tražili da nam u što kraćem roku dostave sve raspoložive podatke o svim licima koja su u periodu od 01.03. do 15.09.2020. godine prijavljena/odjavljena na obavezno penzijsko i invalidsko osiguranje, radi zasnivanja radnog odnosa u Ministarstvu finansija Kantona Sarajevo.

Uvidom u dostavljenu dokumentaciju od strane Federalnog zavoda za mirovinsko i invalidsko osiguranje – Kantonalna administrativna služba za sarajevski kanton, ustanovljeno je da su za navedeni period bile dvije prijave na penzijsko invalidsko osiguranje, i to na ime Amra M. i na ime Azra Dž.



- Dana 17.09.2020. godine upućen je zahtjev Kantonalnom poreznom uredu Sarajevo Porezna ispostava Centar u kojem smo tražili dostavljanje podataka o licima koja su prijavljena u jedinstveni sistem registracije, kontrole i naplate doprinosa Porezne uprave (ime i prezime lica, datum prijave/odjave) radi zasnivanja radnog odnosa u Ministarstvu finansija Kantona sarajevo.

Na osnovu izvještaja o zaposlenima koji je dostavljen Uredu za borbu protiv korupcije i upravljanja kvalitetom kantona Sarajevo od strane Kantonalnog poreznog ureda Sarajevo – Porezna ispostava Centar, vidljivo je za navedeni period naznačen početak osiguranja za dvije osobe i to: Admir K. i Amra Z..

- Dana 17.09.2020. godine obratili smo se JU „Služba za zapošljavanje Kantona Sarajevo“ od kojih smo tražili podatke o svim licima koja su brisana iz evidencije Službe za zapošljavanje u provjeravanom periodu, a radi zasnivanja radnog odnosa u Ministarstvu finansija Kantona Sarajevo.

Postupajući po našem zahtjevu JU „Služba za zapošljavanje Kantona Sarajevo obavijestila je Ured da je provjerom kod općinskih biroa utvrđeno da se jedno lice, i to: Kerim K., odjavilo iz evidencije o nezaposlenim osobama dana 13.09.2020. godine, a radi zasnivanja radnog odnosa u Ministarstvu finansija Kantona Sarajevo.

- Ured za borbu protiv korupcije i upravljanja kvalitetom kantona Sarajevo zahtjevom se obratio i Ministarstvu finansija Kantona Sarajevo u kojem traži podatke o svim licima koja su u periodu od 01.03. -15.09.2020. godine bila angažovana po osnovu ugovora o djelu u Ministarstvu finansija Kantona Sarajevo.

Postupajući po našem zahtjevu, informisali su nas da u navedenom periodu Ministarstvo finansija KS nije zaključilo nijedan ugovor o djelu.

- Izvršen je uvid u Registar zaposlenih u javnom sektoru na području Kantona Sarajevo, kojom prilikom je utvrđeno da su osobe Sanel Gazija, Amina Močević i Elvedina Ademović zasnovali radni odnos u Ministarstvu finansija Kantona Sarajevo u ranijem periodu.

Shodno svemu navedenom, tj. prema podacima navedenih nadležnih institucija, Ministarstvo finansija Kantona Sarajevo je u periodu od 01.03. do 15.09.2020. godine izvršilo zapošljavanje za ukupno pet novih lica, ali se ona ne odnose na lica za koja je tražena provjera.

S poštovanjem,

ŠEF UREDA

Erduan Kafedžić



Dostaviti:

1. Naslovu;
2. a/a.



web: <https://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277  
Fax: + 387 (0) 33 562-217

Sarajevo, Reisa Džemaludina Čauševića 1

